

全上古三代秦漢
三國六朝文

三國晉第四函
函十冊

全三國文卷六十一

烏程嚴可均校輯

蜀五

秦宓

宓字子敕廣漢縣竹人州郡辟命輒不就先主定蜀宓爲從事祭酒建興中丞相亮領益州牧選爲別駕尋拜左中郎將長水校尉遷大司農

奏記益州牧劉焉薦任安

昔百里蹇叔曰耆艾而定策甘羅子奇曰童冠而立功故書美黃髮而易稱顏淵固知選士用能不拘長幼明矣乃者曰來海內空舉率多英雋而遺舊齒眾論不齊異同相半此乃承平之翔步非亂世之急務也夫欲救危撫亂修己曰安人則宜卓犖超倫與時殊趣震驚鄰國駭動四方上當天心下合人意天人旣和內省不

疾雖遭凶亂何憂何懼昔楚葉公好龍神龍下之好僞徹天何況
于真今處士任安仁義直道流名四遠如今見察則一州斯服昔
湯舉伊尹不仁者遠何武貢二龔雙名竹帛故貪尋常之高而忽
萬仞之嵩樂面前之飾而忘天下之譽斯誠往古之所重慎也甫
欲鑿石索玉剖蚌求珠今乃隨和炳然有如皎日復何疑哉誠知
晝不操燭日有餘光但餘情區區貪陳所見

蜀志秦
宓傳

荅王商書

昔堯優許由非不弘也洗其兩耳楚聘莊周非不廣也執竿不顧
易曰確乎其不可拔夫何銜之有且呂國君之賢子爲良輔不呂
是時建蕭張之策未足爲智也僕得曝背乎隴畝之中誦顏氏之
簞瓢詠原憲之蓬戶時翱翔于林澤與沮溺之等儔聽玄猿之悲
吟察鶴鳴于九皋安身爲樂無憂爲福處空虛之名居不靈之龜
知我者希則我貴矣斯乃僕得志之秋也何困苦之戚焉

蜀志秦
宓傳

與王商書

疾病伏匿甫知足下爲嚴李立祠可謂厚黨勤類者也觀嚴文章冠冒天下由夷逸操山嶽不移使楊子不歎固自昭明如李仲元不遭法言令名必淪其無虎豹之文故也可謂攀龍附鳳者矣如揚子雲潛心著述有補于世泥蟠不滓行參聖師于今海內談詠厥辭邦有斯人曰耀四遠怪子替茲不立祠堂蜀本無學士文翁遣相如東受七經還教吏民于是蜀學比于齊魯故地里志曰文翁倡其教相如爲之師漢家得士盛于其世仲舒之徒不達封禪相如制其禮夫能知禮造樂移風易俗非禮所秩有益于世者乎雖有王孫之累猶孔子大齊桓之霸公羊賢叔術之讓僕亦善長卿之化宜立祠堂速定其銘

蜀志秦
宓傳

報李權

書非史記周圖仲尼不采道非虛無自然嚴平不演海曰受淤歲

一蕩清君子博識非禮不視今戰國反覆儀秦之術殺人自生亡人自存經之所疾故孔子發憤作春秋大乎居正復制孝經廣陳德行杜漸防萌豫有所抑是老氏絕禍于未萌豈不信邪成湯大聖觀野魚而有獵逐之失定公賢者見女樂而棄朝事若此輩類焉可勝陳道家法曰不見所欲使心不亂是故天地貞觀日月貞明其直如矢君子所履洪範記災發于言貌何戰國之譎權乎哉

蜀志秦宓傳李權從宓借戰國策宓報

馬良

良字季常襄陽宜城人先主領荊州辟爲從事蜀平爲左將軍掾及稱尊號爲侍中從征吳遇害

與諸葛亮書

聞雒城已拔此天祚也尊兄應期贊世配業光國魄兆見矣夫變用雅慮審貴垂明于呂簡才宜適其時若乃和光悅遠邁德天壤

大五百二十二
小二二十一

使時閑于聽世服于道齊高妙之音正鄭衛之聲竝利于事無相
奪倫此乃管絃之至牙曠之調也雖非鍾期敢不擊節

蜀志馬良傳

爲諸葛亮與吳主書

寡君遣掾馬良通聘繼好呂紹昆吾豕韋之勳其人吉士荆楚之
令鮮于造次之華而有克終之美願降心存納呂慰將命

蜀志馬良傳

馬謖

謖字幼常良弟呂荊州從事隨先主人蜀除縣竹成都令越巂
太守建興中丞相亮呂爲參軍街亭之敗下獄死

臨終與諸葛亮書

明公視謖猶子謖視明公猶父願深惟殫繇興禹之義使平生之
交不虧于此謖雖死無恨于黃壤也

蜀志馬良傳注引襄陽記又見御覽四百六十三

陳震

震字孝起南陽人先主領荊州辟爲從事隨入蜀爲蜀郡北部

都尉因易郡名爲汶山太守轉犍爲建興中入拜尚書遷尚書
令徙衛尉使吳還封城陽亭侯

入吳移關侯

東之與西驛使往來冠蓋相望申盟初好

初學記作載好

日新其事東尊

應保聖祚告燎受符剖判土宇天下應響各有所歸于此時也
同心討賊則何寇不滅哉西朝君臣引領欣賴震已不才得充下
使奉聘敘好踐界踴躍入則如歸獻子適魯犯其山諱春秋譏之
望必啟告使行人睦焉即日張旂初學記作旌誥眾各自約誓順流漂
疾國典異制懼或有違幸必斟誨示其所宜

蜀志陳震傳初學記二十

孟達

達字子度扶風人初字子敬避先主叔父諱改先主領荊州已
爲宜都太守後降魏爲散騎常侍建武將軍封平陽亭侯領新
城太守徙安定復還新城建興中丞相亮數書招之遂通款事

露司馬懿討斬之

辭先主表

伏惟殿下將建伊呂之業追桓文之功大事草創假勢吳楚是已
有爲之士深覩歸趣臣委質已來愆戾山積臣猶自知況于君乎
今王朝日興英俊鱗集臣內無輔佐之器外無將領之才列次功
臣誠自愧也臣聞范蠡識微浮于五湖咎犯謝罪逡巡于河上夫
際會之間請命乞身何則欲絜去就之分也況臣卑鄙無元功巨
勳自繫于時竊慕前賢早思遠恥昔申生至孝見疑于親子胥至
忠見誅于君蒙恬拓境而被大刑樂毅破齊而遭讒佞臣每讀其
書未嘗不慷慨流涕而親當其事益已傷絕何者荊州覆敗大臣
失節百無一還惟臣尋事自致房陵上庸而復乞身自放于外伏
想殿下聖恩感悟愍臣之心悼臣之舉臣誠小人不能始終知而
爲之敢謂非罪臣每聞交絕無惡聲去臣無怨辭臣過奉教于君

子願君王勉之也

蜀志劉封傳
注引魏略

在魏奏薦王雄

臣聞明君曰求賢爲業忠臣曰進善爲效故易稱拔茅連茹傳曰
舉爾所知臣不自量竊慕其義臣昔曰人乏謬充備部職時涿郡
太守王雄爲西部從事與臣同寮雄天性良固果而有謀歷試三
縣政成人和及在近職奉宣威恩懷柔有術清慎持法臣往年出
使經過雄郡自說特受陛下拔擢之恩常勵節精心思投命爲效
言辭激揚情趣款惻臣雖愚闇不識真僞曰謂雄才兼資文武忠
烈之性踰越倫輩今涿郡領戶三千孤寡之家參居其半北有守
兵藩衛之固誠不足舒雄智力展其勤幹也臣受恩深厚無曰報
國不勝悽悽淺見之情謹冒陳聞

魏志崔林傳注
引魏名臣奏

在魏與劉封書

古人有言疏不閒親新不加舊此謂上明下直讒慝不行也若乃

權君謫主賢父慈親猶有忠臣蹈功已罹禍孝子抱仁已陷難種
商白起孝已伯奇皆其類也其所已然非骨肉好離親親樂患也
或有恩移愛易亦有讒間其間雖忠臣不能移之于君孝子不能
變之于父者也勢利所加改親爲讎況非親親乎故申生衛伋禦
寇楚建稟受形之氣當嗣立之政而猶如此今足下與漢中王道
路之人耳親非骨血而據勢權義非君臣而處上位征則有偏任
之威居則有副軍之號遠近所聞也自立阿斗爲太子已來有識
之人相爲寒心如使申生從子輿之言必爲太伯衛伋聽其弟之
謀無彰父之譏也且小白出奔人而爲霸重耳踰垣卒已克復自
古有之非獨今也夫智貴免禍明尚夙達僕揆漢中王慮定于內
疑生于外矣慮定則心固疑生則心懼亂禍之興作未嘗不由廢
立之間也私怨人情不能不見恐左右必有已間于漢中王矣然
則疑成怨聞其發若踐機耳今足下在遠尚可假息一時若大軍

遂進足下失據而還竊相爲危之昔微子去殷智果別族違難背禍猶皆如斯今足下棄父母而爲人後非禮也知禍將至而畱之非智也見正不從而疑之非義也自號爲丈夫爲此三者何所貴乎已足下之才棄身來東繼嗣羅侯不爲背親也北面事君已正綱紀不爲棄舊也怒不致亂已免危亡不爲徒行也加陛下新受禪命虛心側席已德懷遠若足下翻然向非但與僕爲倫受三百戶封繼統羅國而已當更剖符大邦爲始封之君陛下大軍金鼓已震當轉都宛鄧若二敵不平軍無還期足下宜因此時早定良計易有利見大人詩有自求多福行矣今足下勉之無使狐突

閉門不出

蜀志劉封傳

夫不經之言而有驗應者號曰世讖也

書鈔九十六

天地生如鏡

御覽七百十七

與諸葛亮書

大五百八十九
小十八

今送白綸帽玉玦各一已示微意焉

御覽六百八十七
六百九十二

宛去洛八百里去此千二百里聞吾舉事當表上天子比相反覆一月間也則吾城已固諸軍足辦吾所在深險司馬公必不自來

諸將來吾無患矣

華陽國志二又
見晉書宣帝紀

兵到又告諸葛亮

吾舉事八日而兵至城下何其速也

華陽國志二

彭萊

萊字永年廣漢人先主定蜀已爲治中從事左遷江陽太守已罪誅

與蜀郡太守許靖書薦秦宓

昔高宗夢傳說周文求呂尚爰及漢祖納食其于布衣此乃帝王之所已倡業垂統緝熙厥功也今明府稽古皇極允執神靈體公劉之德行勿翦之惠清廟之作于是乎始褒貶之義于是乎興然

而六翮未之備也伏見處士縣竹秦宓膺山甫之德履雋生之直
枕石漱流吟詠緼袍偃息于仁義之途恬淡于浩然之域高概節
行守真不虧雖古人潛遁蔑已加旃若明府能招致此人必有忠
讜落落之譽豐功厚利建跡之勳然後紀功于王府飛聲于來世
不亦美哉

蜀志彭
義傳

獄中與諸葛亮書

僕昔有事于諸侯已爲曹操暴虐孫權無道振威闇弱其惟主公
有霸王之器可與興業致治故乃翻然有輕舉之志會公來西僕
因法孝直自銜鬻龐統斟酌其間遂得詣公于葭萌指掌而譚論
治世之務講霸王之義建取益州之策公亦宿慮明定卽相然贊
遂舉事焉僕于故州不免凡庸憂于罪罔得遭風雲激矢之中求
君得君志行名顯從布衣之中擢爲國士盜竊茂才分子之厚誰
復過此素一朝狂悖自求殖醢爲不忠不義之鬼乎先民有言左

手據天下之圖右手刎咽喉愚夫不爲也況僕頗別菽麥者哉所
呂有怨望意者不自度量苟呂爲首興事業而有投江陽之論不
解主公之意意卒感激頗呂被酒倪失老語此僕之下愚薄慮所
致主公實未老也且夫立業豈在老少西伯九十寧有衰志負我
慈父罪有百死至于內外之言欲使孟起立功北州戮力主公共
討曹操耳寧敢有他志邪孟起說之是也但不分別其間痛人心
耳昔每與龐統共相誓約庶託足下末蹤盡心于主公之業追名
古人載勲竹帛統不幸而死僕敗呂取禍自我情之將復誰怨足
下當世伊呂也宜善與主公計事濟其大猷天明地察神祇有靈
復何言哉貴使足下明僕本心耳行矣努力自愛自愛

蜀志彭
業傳

程畿

畿字季然巴西閬中人劉璋時爲漢昌長遷江陽太守先主定
蜀呂爲從事祭酒從征吳戰死

報巴西太守龐羲

郡合部曲本不爲叛雖有交構要在盡誠若必自懼遂懷異志非

樂之所聞

蜀志楊戲傳本注

敕子郁

我受州恩當爲州牧盡節汝爲郡吏當爲太守效力不得自吾故

有異志也

蜀志楊戲傳本注

李嚴

嚴字正方南陽人後改名平劉表時歷諸郡縣終秭歸令荊州平去事劉璋爲成都令後署護軍拒先主于縣竹迎降拜裨將軍歷犍爲太守興業將軍加輔漢將軍徵拜尚書令先主病已爲中都護統內外軍事與丞相亮並受遺詔後主嗣位封都鄉侯假節加光祿勳轉前將軍遷驃騎將軍已罪廢徙梓潼後聞亮卒發病死

與孟達書

吾與孔明俱受寄託憂深責重思無良伴

蜀志李嚴傳又見華陽國志二有小異

與丞相亮書

宜受九錫進爵稱王

蜀志李嚴傳注引諸葛亮集

李邈

邈字漢南廣漢郫人劉璋時爲牛鞞長先主領牧呂爲從事建興中爲犍爲太守丞相參軍安漢將軍呂諫誅馬謖失丞相亮意及亮卒上疏劾亮下獄誅

丞相亮卒上疏

呂祿霍禹未必懷反叛之心孝宣不好爲殺臣之君直呂臣懼其偏主畏其威故姦萌生亮身杖強兵狼顧虎視五大不在邊臣常危之今亮殞沒蓋宗族得全西戎靜息大小爲慶

蜀志楊戲傳注引華陽國志

劉琰

全三國文卷六十一
琰字威碩魯國人先主在豫州辟爲從事蜀定已爲固陵太守
後主卽位封都鄉侯歷衛尉中軍師後將軍遷車騎將軍已遣
妻事棄市

與諸葛亮牋

琰稟性空虛本薄操行加有酒荒之病自先帝已來紛紜之論殆
將傾覆頗蒙明公本其一心在國原其身中穢垢扶持全濟致其
祿位已至今日聞者迷醉言有違錯慈恩含忍不致之于理使得
全完保育性命雖必克己責躬改過投死已誓神靈無所用命則
靡寄顏

蜀志劉琰傳

向朗

朗字巨達襄陽宜城人劉表已爲臨沮長先主領荊州使督秭
歸等四縣軍民事及平蜀已爲巴西太守轉牂柯又徙房陵後
主卽位爲步兵校尉領丞相亮長史免後爲光祿勳亮卒徙左